

諸官符者蓋此神易犯難釋以致庶人一或干之則赤口白舌乘勢而生也而世人何不預誦寶經焚玉篆則此禍自滅矣讚曰天符地符人不可觸欲釋訟凶經篆三告

吳六

二十五

九天應元雷聲普化天尊玉樞寶經集註上

九天應元雷聲普化天尊玉樞寶經集註下

海瓊白真人註
祖天師張其君解義
五雷使者張天君釋
純陽孚佑帝君頌

天尊言土皇九壘其司千二百神土侯土伯土公土母土子土孫土家眷屬若太歲若將軍若鶴神若太白若九良若劍鋒若雌雄若金神若火血若身黃若撞命若三煞若七煞若黃幡豹尾若飛廉刀砧如是等土家神煞若人興修卜筮一或犯之即致病患以迄喪亡纔誦此經則萬神皆起天無忌地無忌陰陽無忌百無禁忌
註曰凡人動作興工不無有犯神煞其禍立至大則喪命小則官非可不慎歟依儀書篆行持誦經祈禱則百無所忌也
義曰天尊惜羣生至於如斯也亦云生亦土而死亦土殊不知土之為害大尤甚也蓋土宜靜不宜動之謂也
釋曰天覆其地人孰不知蓋我天尊為九

天之事統制三界而九壘皇君眷屬家臣諸多惡煞害人不輕天尊用玉文寶篆以鎮穰之使世間上士下愚凡動作之時百無禁忌也
讚曰萬物皆從成已來偶然相犯即為災

若非普化真文力處處皆為白骨堆

天尊言世人夫婦其於婚合或犯成地或犯天狗三刑六害隔角交加孤陰寡陽天羅地網艱於嗣息多是孤獨若欲求男即誦此經當有九天監生大神招神攝風遂生賢子於其生產之時太一在門司命在庭或有冤愆或有鬼魅或有禁忌或有凶厄致令難產請誦此經即得九天衛房聖母默與托送故能臨盆有慶坐草無虞凡有嬰孩在於襁褓為旃檀神王座下一十五種鬼加諸惱害因多驚瀾宜誦此經
註曰世人婚合產育皆有神煞不知方向不避太歲偶爾犯之其禍不淺急宜誦經焚符以穰之則自安榮也
義曰凶吉兩途互相齒之如或不諧不育

天尊之號宜誦之必自然而釋矣

釋曰此章為人間婚姻子嗣係於天尊所屬凡嗣息聘嫁養育非小事也世俗固知而窒於勤合之私其誤多矣知或犯之夫北婁南子息艱得宜誦寶經焚靈符以釋

之則自然夫妻和睦子孫昌泰也

讚曰夫婦人倫事兒男骨肉恩要令家道

睦歸敬玉樞文

天尊言若人居止鳥鼠送妖蛇蟲嫁孽拋磚擲瓦驚雞弄狗邀求祭祀以至影脅事逼及

於姦盜而敢據其所居以為巢穴遂使生人被惑庭戶不清夜嘯於梁畫瞰其室牛馬犬豕亦遭瘟疫禍連骨肉災及孳生淫祠社黨庇神姦弔容頻仍喪車疊出若誦此經即使鬼精滅爽人物咸寧

註曰蓋此等之家不崇綱常理道不畏天地神明口味厭穢葷膾身履邪淫殺道不遵公法惟務私榮肆毒逞兇恣行不善是致鬼妬神憎妖邪競起若能悔過首謝誦經焚符即得禍亂不生人物安寧也

義曰壁壞盜入業重鬼來致使六畜與災家神不利天尊不以小故亦垂大恩多誦經文其禍止矣

釋曰正氣如天邪魔敢犯蓋因世人治家不理干瀆神聰以致六神不居則邪氣乘

間而入或鼠精蛇魘拋擲驚弄血陰無時甚至塗昧家人其禍不測或盜人家財物

移東易西皆此類也致使帛客喪門扶靈

肆志即誦寶經焚玉符則人物俱得以安寧也

讚曰自作惡時邪亦作我行善處即天行

世人忽有如斯難宜象靈符誦寶經

天尊曰九天雷公將軍五方雷公將軍八方

雲雷將軍五方蠻雷使者雷部總兵使者莫

賺判官發號施令疾如風火有廟可伐有壇

可擊有祆可除有祟可違季世末法多諸巫

覘邪法流行陰肆魔構是故上清乃有天廷

禁鬼錄姦之庭帝由東扶考邪之房能誦此

經其應如響

註曰經中凡二十一改皆天尊言惟此章

云天尊曰蓋稱揚雷公將軍使者判官發號施令應響威德故不直言也巫覘之徒務行邪術妄構妖言魔構夫婦分離蠱媚女流苟合值此妖巫誦寶經焚符篆則雷司勦除應報如響人得安寧

義曰天地無私惟德是輔善惡之報動如影響學道之士體天心而明己心則禍患

彌消而福祿臻矣

釋曰此章乃天尊自贊雷司之聖也如此所以誅鬼斬邪與雲降雨皆我天尊勅下

方行今世道俗難分或以不正之術壞人

倫而犯天律誦此寶經焚符則立應如響

豈不敬乎畏乎

讚曰雷司明善惡善拔惡常誅邪法相使

害惟多誦玉樞

天尊言天瘟地瘟二十五瘟天蠱地蠱二十

四蠱天瘡地瘡三十六瘡能誦此經即使瘟

瘡清淨蠱毒消除勞瘵平復亦有其由或者

先亡復連或者伏屍故氣或者塚訟墓注或

者死魂深惹或者屍氣感招凡此鬼神或悲

思或恚恨牽連執證並緣注射並音考乘隙伺間音乃得其便故此經者上通三天下徹九果可以追薦魂爽超度祖玄太上遺素車白馬大將軍以監之

註曰凡人患瘧瘵疾者皆有所致甚至

絕滅一門牽連六親若能誠心誦經焚燒符篆則雷司差素車白馬之將以拔之使人不陷此苦也

義曰瘧瘵疾有自來矣但能誠心潔已誦真文禮天尊則不罹此苦也

釋曰瘧乃不正之氣蓋乃無影之瘧瘵乃難愈之疾蓋此三者我天尊之言有自來矣祇緣復連相染屍氣相薰塚訟相呼之所致也復連者乃人之大厄也世人不知禳解故有絕門亡沒者也塚訟者七祖冤牽之所致也屍氣者地上原有連年棺柩化成小蟲或飛入飲食之中或落在器皿之內食之令人作瘧凡人遷居當誦經焚符以勦絕之
讚曰天地瘧瘵瘵疾大苦禍有其由亦人

自取若誦玄文可拔七祖白馬將軍能為作主

天專言若或有人治裝遠行賊盜騁姦五兵加害陸行則虎狼魍魎磨其牙水行則蛟龍鼉鼉張其頤或難賴有幽枉之魂或風濤有

劫數之會前亡後化捉生代死能於此經歸命投誠故得水陸平康行藏協吉

註曰凡人出陸遇賊迎兵或逢蛇虎惡域

山阻水行或值蛟龍鼉鼉作浪興風滯魄沉魂求生捉替或遭劫會或颶墮他方常

預備符篆防之可水可火化去亦急誦寶號立免諸厄也

義曰出入動靜宜慎宜謹若能平昔秉持此經則此患何由而至也

釋曰動靜行藏須當慎之所以吉凶晦吝生乎動是故一動只一吉字其三字皆非美也出入可不謹乎凡欲遠行必須先誦寶經佩符命則吉無不利
讚曰水陸行藏世不無鬼神作耗暗潛圖一稱普化天尊號佩帶真玉篆符

天專言九陽為虐雨澤愆期稽顙此經應時甘澍積陰為厲雨水浸淫稽顙此經應時朗霽祝融扇禍飛火民居赤鼠遊城驚熱黎庶此經可以禳之海若失經魚鼈妄行洪水稽天民生墊溺此經可以止之

註曰此章天尊愛羣生之心切切久旱久陰實天地之氣不和乃人民之業難釋以致三界震怒水滂山崩祝融扇禍赤鼠與杖黎庶不安若人遭此歲時宜誦此經焚此符篆晴雨得宜人民自安也

義曰陰陽失律如旱暵勢莫非出入於天司之令蓋惡業之氣不消正真之道不崇也天尊幹旋造化以生生之心長養羣品其不可讚歎耶

釋曰陰晴晦明非細事也上繫天庭下關洞府亦由二氣之和故也凡遇此水旱之時志士嚴置道場誦靈文而焚玉篆則早可雨而雨可晴矣
讚曰水旱為災可關天地誠心誦經晴明甘霽

天尊言世人欲免三災九橫之厄即於靜夜稽首北辰北辰之上上有三台其星並躔形如雙目疊為三級以覆斗魁是名天階若人見之生前無刑囚之憂身後不淪沒之苦斗中復有尊帝二星大如車輪若人見之留形住世長生神仙歸命此經投心北極即有冥感斗為天樞中有天罡在內則為廉貞在外則為破軍雷城十二門並隨天罡之所指星星指丑其身在未所指者吉所在者凶餘位皆然若人見之壽可千歲

註曰北辰者北極星也辰星五位乃帝座星也居常不動而眾星皆共之也此北斗居天之中為天之樞紐轉運四時凡天地日月五星列曜六甲二十八宿諸仙眾真及下元生人上自天子下及黎庶壽祿貧富生死禍福幽冥之事無不屬於北斗之總統也太上授以天師張真君北斗經訣若有危厄急告北斗禮誦本命真君方獲安泰又得三台生三台養三台護也三台星有六座上中下台名天階者太上昇降

之道也其勢橫亘北斗第二魁星上台虛精中台六浮下台曲生乃星君內諱知星名者眾惡消除諸善備至見星象者生無刑憂死無諸苦凡於靜房端坐思三台覆頭次思兩腎氣從背出與三台相連久久思畢啜齒^{六七}二七鼻微微出氣閉口滿咽而畢乃呪曰節節榮榮願乞長生太玄三台常覆我形出入往來萬神携榮步之五年仙骨自成步之七年合藥皆精步之十年上昇天庭急急如律令可叩頭瞻仰拜禮則百事皆遂又北斗乃陰陽之精神也精曜九道光陰十天七現二隱世人惟見七星不見尊帝二星此二星即輔弼帝皇太尊晨君乃天地魂魄之威神輔星主天曰常弼星主地曰空空者九天之魂精常者九地之魄靈天休地泰空常隱藏天否地激空常煥明變化萬氣改易陰陽四時代謝莫不由焉二星尊貴隱伏華晨九天亦秘其靈音不行於世諸得道高仙貴真乃得見之其營名逐利流俗穢濁之人星光

所不臨照難可得見也曩亦有誤見之者今俗人脫有誤見者切不可言泄則身被兵火卒形獲考地獄生死父母皆受罪於三官贍禮之法常以每月初三日二十七日夜勿令人知陰下中庭燒香禮誦呪曰尊帝二星北極之靈願臣早見^九見即長生福慶無窮天與長齡誠心更念此經默有感通久久自當見也亦不可泄其天罡名在斗樞之內星形與破軍星相對此星紅色稍大每一時辰隨斗杓照臨地支一方位時時運轉無有停息經云天罡所指晝夜常輪是也雷城按地支有十二門雷欲發聲却隨天罡其時所指方位之門乃發聲也且如天罡坐於未對指丑宮何故却有吉凶蓋天罡正氣能生能殺若所指向之處即是生方故有生氣取之則可以治病補虛安神旺氣却禍消災延生度厄也所在之處則有殺氣用之可以斬鬼驅邪夷兇禁暴誅毒制魔故曰所指者吉所在者凶也

義曰九曜三台乃一身之主宰為萬象之樞機也學者當依法而朝奏之無不應響釋曰三台之星尊之大之其中二尊帝之星者何也乃天地之魂魄造化之樞機也夫學道之士徒知朝真禮斗之誠而不

解瞻仰尊帝二星之捷徑也又有天罡之星在北斗之後隨雷門開處而指雷門十二者乃十二時經旨明言所指者吉所在者凶即是雷門也學者欲朝斗瞻星則法見於註內見之則人壽永而福厚也

讚曰玄門之妙人言深奧功行成時當朝九曜

天尊言世衰道微人無德行不忠君王不孝父母不敬師長不友兄弟不誠夫婦不義朋友不畏天地不懼神明不禮三光不重五穀身三口四大秤小斗殺生害命人百已千姦私邪淫妖誣叛逆從微至著三官鼓筆太一移文即付五雷斬勘之司先斬其神後勘其形斬神誅魂使之顛倒人所鄙賤人所嫌害人所怨惡以至勘形震屍使之崩裂驅其捲

水役其驅車月數旬校復有考掠一聞此經其罪即滅若或有人為雷所瞋其屍不舉水火不受即稱九天應元雷聲普化天尊作是念言萬神稽首咸聽吾命

註曰人一有犯理應誅滅豈雷司天府一

一轟之即今伏法遭刑刀兵水火但死於非命者皆是也蓋人始以小惡為之不改日積月增遂成大咎罪已彰者又不悔悟三官太一考覈文移五雷之司先斬神魂伺其時至然後施行其死魂却聽雷司驅役播考也若人改過還善歸命此經其罪即滅凡有男女為雷所瞋冠幘鬚髮不被燎去亦可歸告天尊取自聖裁萬神皆聽其命令也

義曰三綱五常乃萬古不易之理豈容悖逆而妄行耶教乃民之命國之寶豈可不珍惜而愛護耶近世淺薄不忠不孝不義不仁崇奢侈而惡清淡賤道德而習姦詐致使橫禍疊至何不思之天尊幸開大路宜履之行之則諸惡不生矣

釋曰人生天地之間稟二氣備五常履仁義而守忠孝何故恣意輕生為諸不道之事大則雷司震怒暴屍於市小則官府加刑於身是故善可為而惡不可作也雷司以不仁之人驅役作善之士自當保拔也如有稱天尊之號者則萬神無有不拱聽者也

讚曰忠孝當為本陰陽即我家要消諸惡業不必誦南華

天尊言此經功德不可思議往昔劫中神霄正清真王長生大帝所曾宣說至士授經皆當刺金置幣盟天以傳雷師皓翁長跪拜與重白天尊言是經在處當令土地司命隨所守護雷部按臨以時稽審若人家有此經至誠安奉即得祥煙滿庭慶雲蔭軒禍亂不萌吉福來萃於其亡沒不經地獄所以者何死即往生歸善道承天尊力有此靈通出入起居佩帶此經衆人所欽鬼神所畏遇諸險難一心稱名九天應元雷聲普化天尊悉得解脫

註曰天尊發大慈悲就是寶經上利諸天
 下濟羣品至士受經必用金帛為信以質
 其心告盟十天然後傳付其金帛者但欲
 質心盟天宜較多寡金帛雖微盟約實重
 大聖非吝惜而不普及恐人輕慢故詳切
 以諭雷師宜令土地司令在處守護也若
 人侍奉天尊持誦經號致感聖真降庭故
 祥雲繚繞生奉真詮則死歸善道更能依
 式篆符書寫此經至誠佩帶諸難不生人
 神敬畏也

義曰此章之意令人誠信不欺後學君子
 當依經而行則庶幾其不差也
 釋曰雷師皓翁拱聽天尊至化喜不自勝
 於是長跪再白天尊曰自今而後至士受
 經當以金帛盟心以傳其文是經在處宜
 令土地司令隨所守護雷部按臨以時稽
 審如此奉誦則門庭有慶宗祖超昇佩帶
 之者人所欽敬鬼神畏服過難則稱誦天
 尊之號悉得解脫故此經功德則不可思
 議也

讚曰不貴黃金貴赤心初真學道外魔使
 至誠肯與盟天地魁日教君聽玉音
 於是雷師皓翁對天尊前而說偈曰
 无上玉清王 統天三十六 九天普化君
 化形十方界 披髮研麒麟 赤脚躡層冰
 手把九天杰 嘯風鞭雷霆 能以智慧力
 攝伏諸魔精 濟度長夜魂 利益於衆生
 如彼銀河水 千眼千月輪 播於未來世
 永揚天尊教
 時雷師皓翁說是偈已

註曰此章雷師皓翁頌有所得故說是偈
 以稱揚天尊好生大德之萬一所以文義
 瀟亮語言華澤其功德力可勝言哉
 義曰天尊之德無可以體雷師皓翁故以
 銀河喻之乃言其天尊之元氣至清至貴
 至聖至明者也
 釋曰雷師皓翁心服神通無以贊歎遂作
 此偈然我天尊所統三十六天之尊化十
 方世界之廣遊諸天時披髮而研麒麟
 破九泉時赤其足而躡層冰手把九天杰

者即金光明之如意也嘯風鞭霆乃天尊
 之號今也斬鬼除妖濟物利人此乃天尊
 利益於衆生也銀河之水人不可見不可
 測之玄玄也千眼千月輪者使諸有情歸
 教之士猶如天尊之在目前也發願廣大
 永闡天尊之教
 讚曰贊歎天尊讚歎是偈普化無邊祖劫
 一氣

天尊言此經傳世世人未知吾今所治九天
 應元府府有九天雷門使者以糾錄典者廉
 訪典者佐之復有四司一曰捺判司二曰積
 遠司三曰幽枉司四曰報應司各有大夫以
 掌其事吾之所理御師使相成贊元化
 註曰天尊自言所治之司官兵將吏善惡
 各付其職所以生殺之樞皆由天尊之命
 令三界萬靈莫不皆奉行也
 義曰此章天尊自言善惡功業各有所司
 皆贊成元化也
 釋曰此章經問已畢慮後學之士不知所
 治之屬所以列言凡所祈求諸司官吏將

兵聞吾之號令咸贊元化也

讚曰設司分屬掌雷霆風火飛廉號令明

善賞惡誅如影響九天元不順人情

天尊說是經畢玉梵七寶層臺天花繽紛瓊

香繚繞十方諸天帝君咸稱善哉天龍鬼神

雷部官眾三界萬靈皆大歡喜信受奉行

註曰說經已矣諸天帝君雷部鬼神悉皆

贊歎踊躍而去凡我同志信士善人得遇

寶經當洗心滌慮至誠朗誦真文則禍難

不萌水保長生者也

義曰宣經贊化三界十方皆得如意夫學

者得遇寶經玉篆可齋心滌慮酌水獻花

如法誦之篆之則諸禍不生眾善駢集也

今至士體天心而洗已心閱真文而造玄

文豈可不盡力奉持以廣大其化也哉

釋曰寶經玉篆非奉三清上境之勅玉清

真王之令則不能垂示於世而化諸有情

者也今經旨校正註釋分明玉篆金章燦

然燦目凡祈請之士可不齋心潔滌以閱

玄文也耶至士道齡職守都功位居左院

用已神元結之英成天尊普化之德是日
文成泰列聖真之左而誦經者不可藥漬
大則天誅小則禍及也
讚曰寶經圓滿成稱善哉消災赦罪禍去
福來

九天應元雷聲普化天尊玉樞寶經集註下

圓滿吉祥靈章

向來誦經

念念存誠

千具拱聽

萬聖通靈

應元合無

普化分形

九天有命

三界遵行

消災謝過

請福延生

功圓行滿


大道證明

符篆


凡書一篆當焚香起大敬心至誠誦自
正經首至於三章并所析本章畢然後心
存天尊寶相口誦天皇神咒書之常時仍
用黃紙貼護篆文用則展卷以後符文一

體如之


學道希仙第一章



召九靈三精第二章遇本命生辰庚時書成
誦經稱號書篆文之



解五行九曜剋戰刑衝第三章



沉痾痼疾咒詛冤牽第四章

